

於潛縣志卷十六

事異志

茫茫古今天地人物之瑰奇錯出皆由造化之自然習見為常少見為異况歷世久遠傳聞異詞即以一邑求之有其事而失傳者多矣無其事而誤傳者亦正不少

聖世建中和之極敷錫庶民務乎常使人勿惑於異也知為異使人勿亂其常也明理者分別觀之附會穿鑿之疑可釋矣

於潛縣志

卷十六

事異

一

靈異

仙鋸石在天目山頂相傳昔欲駕仙橋而未就者石幾二十餘扇高者五六丈橫踰二十餘丈片片如鋸路無斧鑿痕厚者六七寸或尺許薄者僅一二寸靳然一線可穿有半解者倒解者有未破者縷縷如繩墨所界信鬼劈神裂化工之奇妙無過於此也云是四仙人所解或云秦始皇驅鬼兵解之

荀經云天目山三十六洞每秋必有風雨晦冥俗謂山

神與江神會也

山神作白鹿形每五月與震澤龍會必暴風雨焉古記  
按禮經云名山大川能出雲降雨見怪物曰神神  
會之說頗不足據然山澤通氣即謂神靈所憑依  
焉可也

龍池宋時旱潦嘗遣使函幣精禱投於池泗澁沂流而  
上既而下沉如有物掣之或少慢復浮而出凡禱皆  
然

雷神宅在開山殿前唐子霞謂蘓東坡天目俯視雷雨  
但聞雲中嬰兒聲不聞為雷也蘇軾詩已外浮名更  
外身區區雷雨若為

於潛縣志 卷十六 事異

二

神山頭只作嬰兒語  
無限人間失箸人

天目潭有石龍鱗甲悉具是多石龍子並黑背朱腹似

蜥蜴而五爪者則背黃碧色天湖亦產異魚人莫能  
捕或云潛龍也錢塘志尉山伏龍洞多石龍  
好事者織於壘啟之輒化去

白狷玉瓶沉香三異古記云藏於天目之家鼻峯世莫  
能見想山川神器必有呵護也天目  
山志

仙桃古記云昔人捕獵阻雨石城之外見林間有白桃  
一顆摘入手如冰忽復變紅其熱如湯采木葉裹之

藏布囊中及山下捫之猶在頃至家惟存木葉郡志

仙芝昔有採葯者見崖端芝草一本五色爛然乃接長竿採取其色遂隱越數日岩在右各出一本皆翠色異常不敢復取咸淳志

牛腎佛元大德丁未天目東麓里人買二牛腎剖其一中得佛像一軀高寸許非金非石結伽趺坐眉目可睹遂累甃為塼藏之若見若聞咸生異信僧幻在雲海天目山俯視卧雲一碧如海諸山尖出雲上若萍李白詩所謂仙人東方生浩然弄雲海沛然乘天游獨徃失所在者此也

於潛縣志 卷十六 事異

三

霧淞陽霧自下而升凡松竹杉檜葉底漸積至寸而墜墜地積尺許葉青翠如故惟草莖純白而枯者更光潤履之則乾從風化而不濕徑潘恒地極高寒春冬之夕遇霧則萬木凍為珠玉有作玻璃界者然亦不數見也

休咎

漢熹平元年妖賊許昭據越王城皇甫嵩討平之宋順帝昇明元年冬十月於潛桃李柰實宋書五行志下同二年於潛翼異山一夕五十二處水出漂流民居

南宋高宗建炎三年夏五月邑大水山水暴出壞廬田  
溺死甚衆

紹興五年八月洪水發天目山忽高二丈許衝擊塘岸  
百餘所漂沒屋廬千餘家禾稼化為腐

十九年十二月於潛生瑞芝

三十年五月辛卯夜臨安於潛山水暴出壞民廬

寧宗開禧六年夏六月邑大水

光宗紹熙五年八月大雨水

度宗咸淳十年八月癸丑大霖而天目山崩水湧流溺死者無算

於潛縣志 卷十六 事異

四

元至元二十八年遣行省臺官發粟振於潛等縣飢民

至正十二年徽饒賊寇於昌董搏霄連破之元史徽

皇嶺關寇於潛昌化行省乃假搏霄為參知政事俾

復提兵討之即日引兵至臨安新溪是為入杭要路

既分兵守之而始進兵至叫口及虎檻遇賊皆大破

之追殺至於潛遂復其縣既又克復昌化縣及皇嶺

關降賊將潘大淵二千入舊

明永樂二十二年十月於潛飢振之  
宣德三年九月振於潛飢

四年十一月臨安於潛二縣歲荒民饑共發官倉米

一千五百九十石振濟前志

六年十月振於潛縣飢

成化 年大旱歲荒貧戶流亡

正統六年春夏並旱七月巡視浙江刑部郎中劉廣衡

發棠振九縣飢民

宏治三年邑大歉

十八年九月癸巳地震有聲

正德九年於潛歲荒

嘉靖六年天目山崩田藝衡留青曰札云山崩石下出

於潛縣志 卷十六 事異

五

蛇千餘條

天目山朱陀嶺開銀礦勞民傷財且致四方之盜集

焉

三十三年於潛歲大祲 四十一年縣饑

萬曆九年歲遇奇荒 十六年縣飢

二十四年天目山復開礦中使騷擾地方得不償費

居民苦之

二十六年九月巡撫劉元霖奏准於潛縣被災八分

蠲免五分

崇禎十四年歲大飢野有餓莩

十七年流寇入境昌化令劉鼎率民禦於於潛下浮

溪道去昌化縣志

國朝順治二年殘兵朱大典方國安遁潛過城國安本

殘暴侵掠遍山谷無得免者

五年山賊姚三據天目肆掠十二年三就擒餘黨悉

平

十年邑荒祲飢民食草糧度活

十八年縣飢巡撫朱昌祚題蠲額課有差

於潛縣志 卷十六 事異

六

康熙十年邑大饑自五月至八月不雨高下田無粒收

者知府嵇宗孟行縣勘荒撫憲范承謨題請照勘荒

分數量蠲條銀

十八年大旱復遭蟲災

三十年長前鄉民湯桂發妻童氏一產三男

三十二年四月不雨至七月田禾半未種

三十六年夏旱至秋方雨一雨即霜禾多不實

三十七年波前鄉民章應兆一百歲

六十年十一月戶部覆准秋旱於潛等十一州縣被

灾田畝免糧有差

雍正二年春霖雨連綿縣灾

七年波前鄉民謝文進一百歲浙江學政汪隆旌以

期頤上壽之額

乾隆二十年歲大歉

五十年大旱高下田禾皆槁死無收民飢甚各鄉

戶助振

二十八年坊郭西園民金五玉一百歲邑令高旌以

熙朝人瑞之額

於潛縣志

卷十六

事異

七

四十七年波前景村民章其能一百歲

嘉慶三年川前鄉竺村山裂廣丈餘長竟隴

五年五月大霖田山田被砂石湮沒者以千計

乾隆二十二年坊郭金羽鳳妻沈氏一百歲 題請建

坊

乾隆二十九年波前童應誥妻章氏一百二歲 題請

建坊

於潛縣志卷十六終